

«Chara, bella Engiadina»

Il 46avel Top Pop Rumantsch

■ (rtr) Durant l'occurrènz «Sonda lunga» dals 10 da november 2018 preschenta Radiotelevision Svizra Rumantscha (RTR) live il 46avel Top Pop Rumantsch en il Marsöl. Il duo ladin «Mi'amia» celebreschan e preschentan lur chanzun «Chara, bella Engiadina» live en il Radio Rumantsch ch'emetta a partir da las 20.00 ord la bar dal Marsöl. Suentèr avair chantà e sunà – accordeon e clavazin – en diversas gruppas si e giu per il pajais ha Sidonia Caviezel da Martina entupà per casualità la collega Nina Mayer da Ramosch, oriunda Bavaraia, medemamain dedigada ferventamain al chant. In inscunter nunspetgà, ma cardinal ch'haja influenzà fermamain lur vita, punctuescha Sidonia. Betg mo partan las duas dunnas in sumegliant passà e preschent musical – scolaziun classica, magistras da musica, dirigentas: surtut èn ellas surpraisas da la congruenza armoniusa da lur atgnas vuschs. En lur cumposiziuns resuna sa-

vens la chanzun tradiziunala rumantscha, lur texts èn senz'exceptiun scrits per vallader. Nina admira la sonorità da sia segunda lingua: «Üna roba raduonda». Nagin smirvegl damai che la chanzun tshernida dad ellas per il pli nov Top Pop Rumantsch dad RTR è in omagi a la «Chara, bella Engiadina», numnada en lieu «tü charischma sour». Igl è ina chanzun zunt melodiusa en trais quartas, plain stortas e spundas – muntagnarda apunta. Per l'accumpagnament han procurà Andi Schnoz, Lucas Schwarz e Rolf Cafilisch, ils jazzists dal studio Aquarium a Turitg. In entaup tranter munds fitg differents, ch'è dentant restà «luc e luschtig», sco las duas musicistas ladinhas raquintan. Ina sentupada che scurrenta dal tut l'aria da «ländler», sugerida magari da l'accordeon da Sidonia, e che suttastritga la vart «pop» dal duo. «Chara, bella Engiadina» – ina chanzun fatga per las undas dad RTR, d'udir a partir dals 10 da november 2018 tar RTR.



Il duo ladin «Mi'amia» preschenta sia chanzun «Chara, bella Engiadina».